

Sakspapir

Saksnr	Utvalg	Type	Dato
095/19	Formannskapet	PS	21.11.2019

Saksbehandler	Arkiv	ArkivsakID
Olav Mongstad	FE-037	14/1668

Austrheim som medeigar i VANNVEST AS. DIHVA endring frå IKS til AS

Framlegg til vedtak:

Austrheim formannskap vedtek å gå inn i Vannvest samarbeidet ved å verte aksjonær og kjøpe ein aksje i Vannvest AS. Aksjen har pålydande kr 5000,- i tillegg yter Austrheim kommune eit ansvarleg lån til Vannvest AS tilsvarende kr 5 pr innbyggjar. Samstundes går Austrheim kommune ut av samarbeidet i DIHVA IKS.

Formannskapet - 095/19 - 21.11.2019

FS - behandling:

Leiar for teknisk drift, Rolf Henning Myrmel, orienterte om denne saka: Austrheim kommune har vore medlem av Dihva ein del år. Organisasjonen hjelper med planarbeid, oppfølging av prøvetakingsplanar, arrangerer kurs og anna, og er til god støtte. Dihva har også samordna den VA-normen som no er laga for Austrheim og ti andre kommunar. Trykket frå Mattilsynet har auka etter det som skjedde med drikkevatnet på Askøy, og det er behov for å vera med i Dihva-samarbeidet vidare.

Ordførar Per Lerøy (Ap) sa at denne saka handla om endring i organisasjonsforma for selskapet.

Myrmel stadfesta dette og sa at Dihva vert omorganisert til eit AS. Kostnaden til endringa vert dekkja innanfor Vatn/avlaup.

Handsaming i formannskapet.

Samrøystes vedtak om rådmannens framlegg.

FS vedtak:

Austrheim formannskap vedtek å gå inn i Vannvest samarbeidet ved å verte aksjonær og kjøpe ein aksje i Vannvest AS. Aksjen har pålydande kr 5000,- i tillegg yter Austrheim kommune eit ansvarleg lån til Vannvest AS tilsvarende kr 5 pr innbyggjar. Samstundes går Austrheim kommune ut av samarbeidet i DIHVA IKS.

Saksopplysninger:

SAMANDRAG

Driftsassistansen i Hordaland – Vann og avløp IKS (DIHVA IKS) er ein samarbeidsorganisasjon mellom 33 kommunar innanfor offentlig vatn og avløp. DIHVA er eit interkommunalt selskap med 6 tilsette, og føremålet er å vere ein samarbeidsorganisasjon for eigarane. Omsetjinga i 2018 var kr. 12 538 256 og eigenkapitalen pr. 31.12.18 var kr. 2 551 867.

- 22 kommunar har vore medeigar frå etableringa i 2004
- 11 kommunar har slutta seg til utan at formelt eigarskap er etablert
- 4 kommunar er tilknytt som «medlem»

Med stor fokus på bl.a. drikkevatt og løysingar knytt til rensing av avløpsvatn er det svært ynskjeleg at alle deltakarane i samarbeidet er, eller vert, eigarar av verksemda, og også at nye kommunar kan verte med. Eigarskap er vesentlig for å løyse oppgåver i eigenregi utan å vere i strid med innkjøpsregelverket. Då DIHVA IKS vart stifta, vart det lagt til grunn at nye eigarar kunne takast opp gjennom vedtak i representantskapet, men IKS-lova opnar ikkje for å delegere slik mynde. Dette betyr at ei endring av eigarsamansetjing må vedtakast i kommunestyret hjå alle eigarar. Med mange eigarar er dette ein tungvindt og tidkrevjande prosess, og har i praksis vist seg å vere til hinder for eit smidig opptak av nye eigarar.

Styret, tilsette og representantskapet ynskjer å vidareføre verksemda til DIHVA IKS i eit nytt aksjeselskap (AS). Som tidlegare ynskjer ein då eit selskap med ikkje økonomisk føremål, og med vedtekter som er tilpassa selskapet som ein samarbeidsorganisasjon. Generalforsamlinga, eller etter fullmakt styret, vil i eit AS kunne ta opp nye kommunar som eigarar utan ny sakshandsaming og vedtak i alle kommunestyra.

I tråd med dette vert den enkelte kommune invitert til å gjøre vedtak om:

- Å delta i stifting av Vannvest AS
- Å yte et ansvarlig lån til Vannvest AS.
- Å tre ut av DIHVA IKS (gjeld dei 22 kommunane)

Bakgrunn

Austrheim har vore medlem i DIHVA IKS.

Vurdering

Austrheim har hatt nytte av eit medlemskap i dette samarbeidet. Kommunen har nytta det som eit fagorgan som har gitt verdifull kompetanse i arbeidet med vassforsyninga. Det har vore eit drøftingsorgan i arbeidet med dokumentasjon og rutinar i handteringa av vatn. Det siste året har vist kor aktuelt det er med kompetanse på dette feltet. Det er svært ynskjeleg at Austrheim blir med på denne stiftinga av det nye selskapet.

Folkehelse

Det er viktig for folkehelsa å ha til ei kvar tid tilgang på kompetanse innan feltet vassforsyning.

Miljø

Økonomi

Medlemskap gir tilgang på kompetanse ein ellers hadde måtte betale konsulentkostnader for.

Konklusjon

Rådmannen innstiller på at formannskapet teiknar medlemskap i Vannvest AS.

Kostnad.

Medlemskap	5 000 kr
------------	----------

«Lån» 5 kr pr innb	<u>14 410 kr</u>
--------------------	------------------

<u>Sum</u>	<u>19 410 kr</u>
------------	------------------

Kostnaden vert ført på ansvar 6100 og teneste 3450. Det er her kostnader med vatn vert ført. Tiltaket er ein del av drifta av vassverket som skal vere sjølvfinansierande med avgifter.